

摘藻堂四庫全書薈要

集部

欽定四庫全書薈要

集部

御選明詩卷一百

十九

詳校官原任主事

臣李斯咏

欽定四庫全書薈要卷一萬八千六百十九

集部

御選明詩卷一百十九

雜體一

高啟

皋橋賦得五言小律

閭門啼早鴉拂面見飛花
綠水通螭舫紅橋過犢車
誰尋伯通宅只問泰娘家

沈應

元夕賦得五言小律詩

燈月滿春城金吾縱夜行誰家無畫鼓何處不銀箏願
以昇平樂懽歌答聖明

徐禎卿

蓬萊閣登州之勝槩也閣臨大海面兩竹山蜃
氣出焉友人陳文相家於其下邀余賦得五言
小律二首

萬古溟濛匯乾坤向此分鱗潮常應月蜃氣半為雲飛

閣虛無裏蓬萊只海濱

竹山遙對峙雙柱鎖洪濤霧雨龍宮闌樓臺海市高
繇知造化理八表擁神黿

程嘉燧

聞等慈師在拂水賦寄七言小律

經年不見東林遠聞住峯頭看瀑飛古寺正如昏壁畫
層湖都作水田衣相逢不厭陶潛飲細倒松肪貌翠微

楊慎

詠梅九言

昨夜小春十月微陽回綠萼梅蕊早倚南枝開折贈未
寄陸凱隴頭去相思忽到盧仝窗下來歌殘水調沉珠
明月浦舞破山香碎玉凌風臺錯恨高樓三弄叫雲笛
無奈二十四番花信催

胡儼

續十二辰詩

鼯鼠飲河河不乾牛女長年相見難赤手南山縛猛虎

月中取兔天漫漫驪龍有珠常不睡畫蛇添足適為累
老馬何曾有角生羝羊觸藩徒忿懷莫笑楚人冠沐猴
祝雞空自老林丘舞陽屠狗沛中市平津牧豕海東頭
卞榮

述懷效生肖體

槐葉初生如鼠目蝸牛緣樹蔭新綠馮軒高吟坐虎皮
一掃頓令千兔禿墨池之魚曾化龍三尺青蛇在袖中
失馬休嗟塞上翁亡羊歧路迷西東沐猴而冠良足恥

五百鬪雞同夢死
狗監明當薦上林
牧猪長揖商丘子

曾蔡

藥房閑詠

洞前竹葉間桃花
洞裏菖蒲雜麥芽
欲覓仙方無槁本
不知誰解鍊丹砂

豈寇梢頭減却春
茜根紅袖為誰新
假令百合天花粉
難遣容顏白玉勻

兔絲川練綰金鈴
雲母空青嵌翠屏
欲向牽牛觀織女

天河西畔望南星

牡丹芍藥鬪韶華
旋復開花又落花
不識道傍千里馬
逢人空問紫荷車

澤蘭憔悴菊花黃
紫苑蕭蕭百草霜
料得合歡臨睡後
還燒安息和沈香

機上流黃錦軸空
珍珠簾箔夜防風
金藤不繫相思夢
飛去飛來續斷中

寄生擾擾伴塵緣
苦在心中似石蓮
欲學天仙蟬蛻法

常山青黛隔風煙

繡幕防風蘭麝香
江籬采遍怨檳榔
殷勤預卜當歸日
甘菊花開百草霜

黃精釀熟鬱金香
瑪瑙杯深琥珀光
笑殺紅娘無遠志
獨傾竹葉向蓮房

金箔銀屏蘇合香
茱萸錦帶繡盤囊
春光半逐桃花水
那得鸞膠續斷腸

蕭韶

藥名閨情詩二首

菟絲曾附女蘿枝
分手車前又幾時
羞折紅花簪鳳髻
懶將青黛掃蛾眉
丁香漫比愁腸結
豈寇常含別淚垂
願學雲中雙石燕
庭烏頭白竟何遲

天門冬日曉蒼涼
落葉愁驚滿地黃
清淚暗消輕粉面
凝塵閑鎖鬱金裳
石蓮未嚼心先苦
紅豆相看恨更長
鏡裏孤鸞甘遂死
引年何用覓昌陽

楊一清

途次病目因檢藥櫝戲作藥名詩

滿地黃塵盡掃除車前芳草意何如
密蒙雨墮清明後
旋復花開爛漫餘
夢插茱萸歸梓里
閑將故紙寫家書
萍蓬浪寄生涯在
青鏡烏頭幸未疎

王禕

禽言次王季野

力作力作人言田家樂誰識田家苦
養蠶一百筐種田
一百畝田蠶非無收
不了輸官府但願
官府不我虧田

家力作非所辭

朱應辰

禽言四首

泥滑滑雨霏霏雨深沒行路泥濺遊子衣
澣衣無人勿復道天寒路黑將安歸

提胡盧三三兩兩晴相呼鄰家有酒還能沽
明朝趁晴看花去去年杏花知在無

婆餅焦小麥黃熟長齊腰刈麥作餅婆為喜
豈料南山

日日雨雨多麥損不可食雖欲婆嗔那復得

脫布袴陰雨漫漫雨將暮千聲萬聲喚歸婦婦歸忽生
怒婦去有歸處明日雨聲乾勿勿還逐去

丘濬

禽言

得過且過多福何如少遭禍紇千山頭凍羽乾真信鳳

凰不如我得過且過

華山有鳥名寒號蟲方春時鳴曰鳳凰不如我至冬毛羽皆落則又

鳴曰得過且過藥中五靈脂即其糞也

行不得也哥哥十八灘頭亂石多東去入閩南去廣溪
流湍駛嶺差幾行不得也哥哥

李夢陽

禽言六首

泥滑滑車馬不得安何不停車繫馬待泥乾

行不得哥哥東有木公西王母南面設罽北張羅行不
得哥哥

姑惡姑惡小姑刺齷姑不樂新婦早煮餬低聲奉小姑

提壺盧壺盧提盛酒背母私餉妻妻可再得母恩罔極
瘦兒瘦兒汝為上留田汝為尹伯奇獨行哀叫心內飢
日逐緣樹啄蟲蟻汝父汝兄寧得知

不如歸去南山豆熟北山有黍

張時徹

禽言五首

凍殺我凍殺我天明累箇窠慎莫誇得過且過鳳凰不
如我

提胡盧盛酒漿我父我母齊壽康官府不促迫歡樂不可當

行不得哥哥南山設阱北山張羅延頸鼓翼嗟嗟奈何
播穀播穀爾莫靳爾勞爾腹可枵官府不饒
喚起喚起雞鳴天欲曙大郎藝麻小郎種黍

馮惟敏

禽言六首

鳳凰不如我竹實醴泉真瑣瑣何不委形濁世中飛鳴

飲啄無不可鳳凰不如我

得過且過風雨冥冥巢欲墮飽煖當時不自知炎涼此
日方參破得過且過

歸去樂荒煙一望山花落夜月原頭血吻新斜陽枝上
聲如昨聲如昨長相語微禽丁寧或可據獸蹄鳥迹難
久遊故國關山不爾禦不知爾家樂不樂祇是此中風
雨惡吾非有翅不能飛喚爾醒時吾亦歸

報穀報穀透犁好雨夜來足不愁田中惡草多但願年

年風雨和夜來雨急風聲惡聞道村南一尺電老翁歸
來語老妻村中報賽烹鳴雞

豁開溝溝水東西流麥場礮礮聲漸急黃犢橫奔汗如
泣重雲變黷四望集頃刻那能辨原隰天之未雨溝不
開枝頭啼鳥為誰哀

向前還好可惜今年種田少早知今年勝去年即死不
賣南山田欲向靈禽頻借問禽言昧遠惟知近能知歲
事報陰晴不知官租重與輕

周永年

禽言三首

姑惡姑惡妾身命薄借錢買果餌取得小姑樂小姑歡
喜姑不惡

婆餅焦婆意惱婆惱反言新婦好小姑有口不曾閑婆
餅焦時食梨棗

脫布袴呼老婦我有一尺布為我補破袴補得且將今
歲度勝如有布無人作

駱雲程

禽言一首

脫却破袴衣著新莫著故新人
紉綺舊荆布貴易交富
易婦朝還朝暮還暮人生肯繫如匏瓠

程敏政

病中夜試新茶簡二弟戲用建除體

建溪新茗如環鈎土人食之除百憂
呼童滿注雪乳脚
使我坐失平生愁
朝來定與兩難弟執手共淪青甌

腹稿已破五千卷舉身恨不登危樓玉川成仙幾百載
清氣渺渺散不收典衣開懷只沽酒閉門却笑長安遊

何景明

五平五仄體

秋原何蕭蕭耳目去雜茸枯荷猶穿塘苦瓠尚抱隴寒
風吹空林落日照古冢徘徊觀陳蹤露下髮忽疎

顧璘

和涇川公納涼以五平屬上去入聲作三詩

煩心如枯魚展轉想斗水涼飈從西來猛雨爽我耳初
臨前軒看返灑已滿几青松披鮮雲野景晚轉美庭花
瑤簪長韡韡擬縞李誰懷逢秋悲且展解暑喜涇川神
仙才匪與朽腐比新辭數煙霞縹緲起短紙

勞勞南州符詎遂閉戶臥休衙經旬居茂樹恣意坐生
涯嗟蓬飄世事付甑破民憂瘡彌深歲序夢易過江鷗
邀東還戲棹見萬箇長風驅洪波聚散互蕩簸高人逃
深巖靜嘯厭衆和陽城何其愚計駕奏下課

蓬萊從靈仙絕粒食白石何如臨清秋忽釋觸熱厄江
雲翻鳴濤泐沫雪一尺疎篁搖涼颼隔屋葉撼撼清冷
留侯居月閣闢七夕陶情時開尊博劇或設奕伊余嬰
離憂契闊薄物役公母懷南征卒乞別北客

楊于庭

五平五仄體二首

秋蟬無停聲白露忽已滴枯荷黏池塘敗蔓挂屋壁流
光誰揮戈暇日但運甕盈盈思伊人泣下夜半笛

秋來無佳吟兀坐氣亦爽村村聞蛩鳴夜夜促婦紡場
禾肥雞豚野旭曬罟網何如風濤人一葦駭五兩

李東陽

郊行戲效東坡吃語

荆扃棘徑俱交加澗葛膠結兼菰葭劒歌擊角叫急景
車轂過岡經幾家郊居近稼價減穀江館隔暮歸及瓜
感今激舊更矯顧關騎警劫驚孤茄

高啟

疊韻吳宮詞

筵前憐嬋娟醉媚睡翠被精兵驚升城棄避愧墜淚

湯顯祖

離合詩寄京邑諸貴

琅玕豈不珍玉屑竟誰飯檜樹鬱冬臯木葉辭秋苑
衿曲自悠悠衣帶日趨緩乘月望風霄人遙尺書斷

王禕

無題回文七言絕句四首

微醉帶歡春意足密期成約晚情多飛花落處焚香篆
乳燕歸時捲幔羅

風生竹徑迷深綠雨過蓮池浴膩紅銅鏡對粧臨牖北
練裙題字戲牆東

芳謝菊葩含重露瘦侵梧葉著輕霜涼宵怯扇藏紉素
遠路將書寫紙長

殘雪喜傳三臘信早梅欣報一痕春寒溪獨枕鴛鴦夢
悶結雙蛾翠斂顰

高啟

回文

風簾一燭對殘花
薄霧寒籠翠袖紗
空院別愁驚破夢
東闌井樹夜啼鴉

丘濬

夜宿江館回文

并序

歲庚午歸至金陵寓新河客邸鄉友馮元吉誦宋
人周明老龜山回文詩命予兩和其韻以夜宿江

館為題明老詩曰潮隨暗浪雪山傾遠浦漁舟釣
月明橋對寺門松徑小檻當泉眼石波清迢迢綠
水連天碧靄靄紅霞映日晴遙望四郊雲接海碧
波千點數鷗輕用意曲折命辭瀏亮信為難及矣
但其中潮浪浦泉波水等字太多不免重複既曰
綠水連天而又有雲接海之句一意而兩出矣當
漁舟釣月之時又安得紅霞映日乎

潮生海岸兩崖傾落月江楓映火明橋透白波流水遠

屋連紅樹帶霜清迢迢漏盡寒更曉片片雲收夜雨晴
遙望楚天江渺渺茭蒲盡處落花輕

張淮

回文一首

華浮月夜靜飛神妙出天工盡奪真斜葉趁風搖翅蝶
豔姿嫌酒病心人霞翻麗質晴烘日露浥微香暖浣塵
家世古稱應獨魏花飄未盡占芳春

康太和

秋閣回文

前山萬葉落田田短鬢雙看悵往年眠聽夜烏啼帶月
夢牽秋水碧連山娟娟竹靜亭簾卷晶晶雲棲閣樹懸
仙集共誇方外景筵開漫奏曲中絃

歲晚回文

潺潺水落江邊岸渺渺雲牽望外天山遠唳鴻羣帶雪
渚寒鳴鶴獨含煙顏衰對景羞多病宦拙藏身任去年
閑裏客懷吟歲晚調高誰唱郢中篇

林如楚

回文

依依柳館翠煙浮
濕淚紅粧曉坐愁
飛鴈遠書傳北塞
轉鶯殘夢入南樓
衣沾露處花如錦
草映簾時月似鉤
扉掩暮春經別久
歸時莫渡鵲橋秋

王世貞

春游回文

綠草芳原平青山
一帶晴玉鞭驕試
馬珠彈惹啼鶯曲

奏低雲度杯深貯月明促歸傳鑰待游冶徧春城

文翔鳳

秋夜回文

晶晶玉團露下林蒼蒼山色翠浮襟鳥衝煙靄寒流影
皎月孤看坐院深

秋風回文

蕭蕭乍過穿花落颺颺徐來趁蝶歸遙夜月暉晴掃霧
朝寒集鴈帶霜飛

蔡懋德

春堤曉雪回文

孤村一夜雪漫漫
白盡沙堤春惹寒
途滿玉花梨落早
烏啼隱處曉霜殘

王龍起

憶別回文

雞聲半枕獨孤衾
苦別離情此夜深
低影燭灰蘭暈冷
西風曉月暗驚心

晚秋回文

愁風叫樹幕雲陰落葉輕吹晚日沉樓上人歌笙管急
秋蓬斷處幾聲砧

旅夜回文

長夜愁聽秋漏殘掩窗明月半斜闌鄉思重憶相離遠
客病誰憐獨枕單腸斷一聲啼鴈過夢驚孤燼落燈彈
涼風暗送輕魂冷荒樹花枝泣露寒

沈大俊

秋霽回文和韻

浮雲曉黛隔簾青
砌滿橙陰秋滿亭
幽荔帶垂香露濕
亂荷衣濺玉珠零
鷗來野沼穿花臥
鶴唳松風度葉聽
酬和樂多情句好
修容照月阻煙汀

方以智

回文詩

秋天一望怨衣單
露滿砧聲草徑寒
樓暗樹深煙入幕
月依人靜夜憑闌
悠悠鳳管吹風冷
渺渺鴻書帶影殘

愁織錦成添淚眼浮雲盡處夢君看

景翩翩

寄陳生回文

簫吹靜閣曉含情片片飛花映日晴
寥寂淚痕雙對枕
短長歌曲幾調箏
橋垂綠柳侵眉淡
榻繞紅雲拂袖輕
遙望四山青
極目銷魂黯處亂啼鶯

楊慎

舟中閱唐詩紀事王起李紳張籍令狐楚於白

樂天席上賦一字至七字詩以題為韻遂效其體為花風月雪四首宋人名一七令

花搖錦鋪霞邀蝶隊聚蜂衙珠璣姹女寶髻宮娃風前
香掩冉月底影交加綠水名園幾簇青樓大道千家謝
傳金屏成坐笑陳朝瓊樹不須誇

風偃草飄蓬過竹院拂蘭叢柳堤搖綠花徑飛紅青缸
殘燄滅碧幌嫩涼通漆園篇中竿籟蘭臺賦裏雌雄無
影迴隨仙客御有情還與故人同

月霜凝冰潔三五圓二八缺玉作乾坤銀為宮闕如鏡
復如鈎似環仍似玦蘭閨少婦添愁榆塞征人怨別漢
家今夕影娥池穆穆金波歌未闕

雪凝明澄徹飛玉塵布瓊屑蒼雲暮同巖風曉別深山
樵徑封遠水漁舟絕南枝忽報梅開北戶俄驚竹折萬
樹有花春不紅九天無月夜長白

舒芬

題鳳 一字至十字

鳳鳳瑞靈珍重德莫加才難用阿閣無聲岐山有夢簫
韶奏九閼律呂音初中未緣竹實萋萋豈為梧桐拳拳
義黃姚文垂衣裳夔契周名列侍從千年寂寥不見其
至百鳥喧啾爭恣其弄雖喑偶聞如出應陽明聾瞶遂
起似蟄驚雷動任楚狂敢忘衰世以嘲吟愛卷阿取譬
吉人以歌詠

孫炎

龍灣城三五七言一首

龍灣城壯如鐵城下是長江城頭有明月月色照人心
不移江水長流無盡時

張以寧

題畫山水三五七言二首

雲渺渺水依依人家春樹暗僧舍夕陽微扁舟一葉來
何處定有詩人放鶴歸

煙暝起雨疎來溪樹陰都合巖花濕更開安得身閑似
鷗鳥盡情飛去復飛來

李夢陽

三五七言

天秋暮月如素金窗隔煙紗花檻流螢度良人遠戍玉
門西誰念空閨玉箸啼

王廷相

三五七言

吳山高楚山遙明月下幽閣長風湧暮潮東飛伯勞不
復返海上素書空見招

李夢陽

四六八言二首

錄一首

玉堦風發蕙花時
歇莎雞夜鳴衰草卷
簾獨望秋月黃
雲沒萬里之關山
使妾空老而凋紅顏

王廷相

三四五六七言江上作

江上秋順歸流
木蘭櫂沙棠舟
左蠡覽勝石門幽
求佳客並翔赤松
丹丘吹笛白雲湖
棹歌芙蓉洲杳然
雲谷

迷疑是武陵遊山縈水盤窈窕鸞裝鶴馭夷猶宛宛伊
人莫覲風雨悽悽暮愁一舸飄然傲五侯挂帆隨處可
淹留尋溪弄月不知遠何啻山陰王子猷

許讚

集蘭亭記續韻成詩

永和九年暮春時會稽山陰春欲離蘭亭勝槩勝天下
一年修禊事相宜羣賢畢至少長集此地崇山峻嶺奇
又有茂林與脩竹清流激湍左右之引為流觴行曲水

列坐其次遵兩涯雖無絲竹管絃盛一觴一詠幽情舒
是日天朗氣清徹惠風和暢來遲遲仰觀宇宙渾浩浩
俯察品彙咸熙熙游目騁懷娛視聽其為可樂信何如
夫人有生具形質相與俯仰一世餘有時或取諸懷抱
晤言一室意自知有時或因寄所托放浪形骸四外馳
取舍萬殊靜躁異欣于所遇心則怡暫得于己快自足
不知老之將至茲所之既倦情事易感慨不覺頻嗟吁
向之所忻一俛仰遂為陳迹猶興思因懷脩短終期盡

死生大事堪痛悲每攬昔人興感由至今真若合契符
臨文嗟悼固不一不能喻懷徒自疑固知死生或虛誕
亦見彭殤真妄為後人視今今視昔先後固已無差池
千載蘭亭稱盛事偉茲叙錄都文辭世殊事異忽今古
興懷一致風流師後世攬辭人已遠亦將深有感於斯

張弼

學懶首尾吟

學懶年來苦未能雞聲催促每晨興行親農畝春耕具

坐伴兒曹夜讀燈起鳳騰蛟詞不及春龍秋蚓筆堪憎
勞形碌碌徒為耳學懶年來苦未能

李暕

秋宵恨

并序

荀卿賦篇於知雲蠶歲之辭始隱而終露又疊以
應之予嘗愛其異偶值秋宵不堪旅次韻成七恨
以為一代之新體云

青蘋葉底聲蓬蓬當年曾號襄王雄秋高八月勢轉急

忽來吹我茅屋東令我夜坐難秉燭使我髮白成老翁
吁嗟恨爾之秋風風

六月一滴不霑土連夜淋漓獨何苦紅蕉碧梧語葉上
黃茅屋漏那能補雞鳴膠膠天欲曙況乃蕭條在羈旅
吁嗟恨爾之秋雨雨

魏觀

次韻富察少府出入韻

白雲花影外堂上一簾春細雨溪橋路孤煙古木村有

魚供醉客無犬吠行人把酒同遊處梅花滿縣門

鄭夢周

旅懷進退韻

生平南與北心事轉蹉跎故國海西岸孤舟天一涯梅
窗春色早板屋雨聲多獨坐消長日那堪苦憶家

馬中錫

誌夢進退韻

夢裏分明見玉容醒來依舊各西東蓬萊水隔三千里

巫峽山迷十二重
花月依稀猶似昨
梨雲落莫竟成空
不堪欹枕尋思處
腸斷孤城一杵鐘

李東陽

重經西涯進退韻

渺渺平田水滿湖
早秋天氣雨晴初
灘聲赴壑如相競
鳥影凌空半欲無
未采蘋花憐寂寞
旋栽松樹見扶疎
經過自與行吟約
未覺何顓此興孤

吳與弼

宿金石山進退韻

問宿仙家陟翠微
石壇曠望本無期
輕煙雜樹新晴後
近水遙山薄暮歸
興逐高歌春脈脈
心懸往事適遲遲
素懷欲共何人寫
獨詠東風月滿衣

無名氏

龍城次玉峯進退韻

清溪雨後起微波
楊柳陰陰水岸斜
南陌一樽須盡醉
東風三月已無多
離程處處王孫草
門巷家家枳殼花

流落天涯為客久不堪中夜聽吳歌

童軒

五雜組二首

五雜組蜀錦裳往復還江上航不得已為文章

五雜組鸞鳳衾往復還水中禽不得已思山林

方以智

五雜組

五雜組身上衣往復還鴻鴈飛不獲已行不歸

姚舜牧

倣古兩頭纖纖體二首

兩頭纖纖初相迎
半白半黑未分明
膈膈膊膊能用情

磊磊落落真良朋

右論文

兩頭纖纖中不絕
半白半黑忌太潔
膈膈膊膊無休歇

磊磊落落成果結

右自勵

李鼎

擬古兩頭纖纖詩二首

兩頭纖纖新月睂半白半黑粉黛宜
腦腦膊膊宮商移
磊磊落落雜佩垂

兩頭纖纖腰插弓半白半黑連錢
驄腦腦膊膊紫塞峯
磊磊落落萬夫雄

陳衷脉

兩頭纖纖

兩頭纖纖新月起半白半黑凝秋水
腦腦膊膊砧聲來
磊磊落落星如綺

方孟式

兩頭纖纖

兩頭纖纖同心蒂半白半黑鴛鴦帶
膈膈膊膊悵離人
磊磊落落雲山外

兩頭纖纖並蒂花半白半黑曉窗紗
膈膈膊膊他鄉月
磊磊落落訴琵琶

兩頭纖纖玉笛悠半白半黑林中丘
膈膈膊膊逢佳節
磊磊落落桂枝幽

張含

複字閑詠六言絕句五首

花影重重疊疊風聲刁刁調調日暖羣蜂釀蜜春寒獨
鳥棲巢

蒼松錯錯落落桃花灼灼盈盈樹老雲盤睡鶴春殘雨
咽啼鶯

丈夫磊磊落落下士戚戚營營獨勘莊周蝶夢不聞祖
逖雞鳴

浮生泯泯默默荒村闐闐幽幽遠避塵中車馬獨尋月
下沙鷗

人世匆匆擾擾天道汨汨悠悠但得釣魚避世從教屠
狗封侯

陸師道

雙字詩鴛鴦曲

雙鴛並雙翼雙宿復雙飛清漣動雙浴明月照雙歸雙
浦沈雙影雙花拂雙頸眠沙雙夢同渡渚雙心警雙去

雙來處雙游雙戲時雙起隨雙鶯雙立視雙魚雙又舟舉
雙漿雙蓮礙雙桡應有無雙人願逐雙鴛往

顧氏

春字詩春日

春雨過春城春庭春草生春閨動春思春樹滿春鶯

御選明詩卷一百十九

欽定四庫全書薈要卷一萬八千六百二十

集部

御選明詩卷一百二十

雜體二

蘇伯衡

雪夜聯句

清夜羣彥集

孟肅

虛館一燈閃

平仲

白雪積更霏玄雲暝逾

掩

子堅

幌薄絢琉璃瓦素侔琬琰

克正

珠跳間投隙玉立每

因

平仲

簷鐸金琅璫壁水銀潋灩

克正

庭柏凍不僵宮槐

望逾儼

伯淵

臯禽奪娟娟屋烏羞黥黥

仲平

觴舉席旣秩

孟膚

語永興方漸

孟兼

芬郁雜桂椒圓方薦菱芡

仲善

酬酢肆謹

囂謳吟互褒貶

居易

爐噓火盎盎篆裊煙冉冉

克正

岸幘極

情真吮毫緣韻險

伯淵

思湧若有神文成不加點

仲平

癯然

皤侵鬢酣已紅上臉

孟膚

吻燥喜餽漿耳熱思臥簟冰齋

乃吾嗜池鱗念誰晷

仲平

青黃感木災黑白悲絲染

德王

振

衣鶴蹁躑

伯淵

絮羹魚喁噉畫蛇肯添足持螯不遺壓

仲平

庶幾樂羈幽焉能任拘檢

子堅

掀髯良已放拊髀詎云諂

德王更移燭屢續坐久衽終斂孟小草漢張芝清談宋王

儉孟寒牀晒臥袁克

正夕艇擬泛剡

伯淵

公乎材總邁余也

廁何忝假寐云小憇

平仲

夢噩恐成魘

孟兼

城柝或罷擊風

葉忽聞颭

平仲

虹光射斗牛

伯淵

妖氣蕩關陝

居易

行藏愧蹉

跼歲月歎荏苒

子堅

起舞聽窗雞驚呼駭巷獫狁

克正

款洽旣

無荒留連復何慊相對總忘疲東方已暎暎

平仲

高啓

虎丘聯句

并引

與潯陽張羽太原王行剡郡徐賁遊虎阜用壁間

顏魯公韻作

山遊期屢阻風雨過今春

羽

偶遂林泉賞仍同里閭親

行

樹重迷卓午花盡謝芳辰

啓

事往非前代僧逢是故

人

賁

金精銷虎氣寶藏衛龍神

羽

妖魄憐埋玉仙詞看

勒珉

行

年登廚有供村遠寺無鄰

啓

池古寒泉定林暄

夏果新

賁

井名猶記羽樓姓尚題陳

羽

步策方循澗迴

橈已待津

行

緣雖喧寂異妄本去來均

啓

摩壁追高韻

應慙繼後塵貢

舞劍聯句并引

與會稽張憲夜飲觀銅臺季壯士舞劍而作

晚陌息鳴鑣憲秋城起嚴柝登堂欣有會啓顧座歎無

樂豪賓奉觴壽憲壯士掉劍作韻生飈拂鐔啓文綴星

輝鏐拭土色纔動憲映火光轉燦寒瀉走澗泉啓明懸

溜簷澤徒誇刀瑩膏憲漫詫匕淬藥腥疑人血乾啓威

攝鬼踪鑠雄聞莊子說憲醉想王郎斫聯翩倏鴻騫啓

奮迅仍雀躍來如龍出淵

憲

去若蛇赴壑疾驚雷破山

啓

怒訝風捲漠初馳帆縱張

憲

忽注弩弛曠陰陽變開

闔

啓

潮汐隨進却高步赴節同

憲

奇形分狀各斜迴象

翼蔽

啓

曲踊肖拏攫歛驚西方帝

憲

凜怖東海若屋翻

影紛綸

啓

地殷勢揮霍亂思突騎奔

憲

低見飢隼掠旁

分萬矢斷

啓

前拉千槍拓出堪却齊壇

憲

立可當蜀閣

澤聞蛇姬啼

啓

路遇猿翁搏斬關豁然判

憲

擊柱鏗爾

著陸疑濤涌牀

啓

宵駭虹闖幕警棲已翻翻

憲

墜槁俄

索索顛旭曾悟書

啓

俠軻記爭博目花匪酒湏

憲

膚粟

似裴薄忠義氣盡張

啓

奸邪膽俱落不從玉玦計

憲

欲

定銅臺約未數大娘強

啓

終勝處女弱季路袖手欽

憲

裴旻汗顏忤疾視誰敢當

啓

不成我慙學勇夫怒生癭

憲

恐僕戰成瘡功收刺虎奇

啓

志感聞雞惡暫停月徘徊

徊

憲

旣罷天寂寞崆峒詎必倚

啓

氛侵行可廊馘妖正

思今

憲

斷佞猶慕昨會合固有期

啓

死生良欲託寧憂

武庫災

憲

但俟凶門鑿慷慨忽悲歌

啓

淋漓且酣酌

憲

陳獻章

白馬菴聯句

人生須此會何處問陰晴

白沙

動蕩乾坤氣調和鼎鼐羹

懷玉

公來山閣雨天共主人情

山定

未了鵝湖興江城又殺

更宗

派

童軒

波金聯句

并序

正統戊辰冬予還番陽艤舟江東門外故人留守

鄭君廣之相送舟所不忍決去詰朝旭日方東波

光躍金滉漾如畫廣之邀為聯句因而倡和如左

扁舟江岸泊曉日正瞳矐曙色分餘靄童波痕漲遠蕩

川原繚繞動鄭晴影逶迤籠滉漾丹霞散童熹微火齊

融漫流驚躍冶鄭倒漾飲垂虹皺縠按紅茜童祥光灼

鏡銅桃花流片片鄭萍實泛溶溶漪細縈縹緲童瀾分

疊綵絨龍宮呈錦麗鄭鮫室迸珠紅芻綠蒲萄滑童江

青柳線茸暖雲蒸荔子鄭秋水浸芙蓉甲縫金鱗動童

歲蕤寶髻鬆畫屏張孔雀

鄭

羅帶刺虬龍星象天梯下

童

河潢斗府通棚山鰲結綵

鄭

機杼鳳飛空麗水珍堪

擬

童

榮河瑞頗同支旗相盪目

鄭

冠珮盡朝宗舊繡天

吳拆

童

明粧越女從影涵歌扇小

鄭

涼清舞衣濃漫說

然犀怪

童

還驚駕海雄推敲詩易得

鄭

鏤刻畫難工絳

蠟燒屏外紅螺吸月中鍾期思復鑄

童

嵇氏恨難鎔水

母絲偏脆

鄭

周郎炬已攻自慙文燄狹千里載孤蓬

童

程敏政

焚香聯句

并引

成化丁酉正月八日太倉張亨父陸鼎儀毘陵陸
廉伯海虞李世賢新安程克勤錢塘倪岳

齋夜對爐詠茲謀出于僉泰旃檀爇幽渺集几增芳嚴

錢瑰材藉珍重烈勢防太炎簡遠聞覺逾勝默叩如有

占傑片雲陡驚散一星歛暗燭岳口浥曹溪流耳割崑

崙尖敏氤氲燭映屏縹緲風回幰泰均深隱金粟火褪

委紅鹽錢芸憐書辟蝨麝恐庭花嫌簡當窗噴寶鴨隔

研紫銅蟾

傑

晚蘭格調絕閣梅風味添

岳

情通一瓣隻

劑許百和兼

敏政

循牀襲青綾拂卷凝湘縑

泰

輸情已繩

直遜意仍蛟潛

錢

咀華厭雞舌采沫嬰龍髯

簡

籠煙袖

雙握撥地七屢拈

傑

氣合愜俱化心耽懼非廉

岳

繼美

薦奇印留芳下重簾

敏政

甲暖螺脫腥斑消鷓歸燭

泰

寧

為罽廣展不作吹輕纖

錢

春原得孤嘖曉殿思遙瞻

簡

透隙忽已駛入虛淡相淹

傑

升騰各登鼎瑣碎或在奩

岳
妙遣葦穢屏馨達神明忭

敏政

終陪畫省直不受歌塵

黏泰薄溫變寒室長力窮宵籤鈇靜喜日照席深宜松

覆簷簡非同火山熾何憂木天黔傑吟鼻詎堪擁德芬

方共厭岳燕寂未經宿呼童惜餘甜敏政

喜雨與汪伯諧劉希賢吳原博同寅聯句

滿院涼風透葛衣吳雨餘輕扇不須揮齋居靜覺心無

累汪吟榻清期願不違瓦鼎日長煙篆裊劉銅壺天遠

漏聲稀菜羹茗椀同三宿程詩陣堂堂未解圍吳

楊一清

姚定之園池聯句

白羽涼添樹底風

楊

清寒疑到水晶宮
鐘聲暗度西林

寺

宇

花影宵移別院櫳
雞犬隔鄰猶近郭

楊

兒孫遶膝

已成翁吳門別業依稀似

宇

却恐并州是夢中

楊

沈周

兩湖聯句

畫船載酒入空濛
四面湖山水墨中

史鑑

繫纜石留秦舊

物賣花人帶宋遺風

劉珣

怕寒沙鷺低拳白
受濕汀桃淺

破紅

沈周

未必清時能勝此笙歌莫放酒杯空

沈名

魯鐸

左江聯句二十韻

左江晴日遡輕舸

張時行

風物撩人興益豪山好只疑行

畫裏

魯

灘危真覺泛槎高
清尊小共掀蓬坐

張

側枕頻

驚舉楫號巖集
飲猿連曉樹

魯

案羅羹鷓鴣
雜溪毛踏青

歌晒聞蠻囷

張

浮白杯香醉洞醪
波漾鴨頭衣借色

魯

茗翻蟹眼鼎生濤
誰云石窟藏銀甕

張

自愛泉音度土

匏雨釀薄寒襟袖爽

魯

櫂迴新漲水雲勞子長寧盡天

涯味

張

韓老猶焚晷後膏每厭魚腥過竹柵

魯

生憎鷗

跡占蘅皋木繇花發霞殷岸

張

馱板津虛月滿艚學得

蘆笙僮僕喜

魯

聯催鉢韻鬼神麈時看落紙行鴉墨

張

却憶當筵奪繡袍取次竿程憐歲月

魯

崢嶸承命幸逢

遭虛誇博望星河迴

張

仍鄙終軍節鉞叨鄉夢直隨芳

草遍

魯

游踪還紀翠崖牢聲傳感策來空谷

張

光露于

將泣巨鰲沙驛泊遲常列炬

魯

絲桐乘夜輒鳴猱悠悠

歸思彌南極

張

赳赳前驅屬右橐明到京華春正好

魯

紫宸風暖拂旌旄

張

徐禎卿

望遠樓聯句

華樓排豔姬

謝子象

銀釵照高燭酒歡命促弦

禎卿

腔度訝

交曲初聞澀林鶯

徐子仁

乍見並雲鵲遵譜師有規

子象

按

板倚頻續掩抑聲中情

禎卿

施呈聽餘矚嘈嘈指若

子象

仁

滑滑喉似沃天成肉諧絲

子象

地擲金錯玉腕轉眉漸顰

顧盼意彌屬

子仁

沈濁恨何長低婉悲未足王嬙嫁北

胡明皇幸西蜀游絲鳥並飛浮蓮青出浴明月暖停雲

流風香傳谷屑轉微蹙丹袖礙斜捲綠秋澗繞在廬春

缸瀉醴醪平調喜沖和終閨苦急束思婦臨窗啼慈母

倚門囑薰耳既已酣銷魂亦太酷同是石城人堪繼莫

愁躅投贈各有言散漫盡忘錄夜短歡娛長東方忽朝

旭

顧卿

孫一元

仲秋一日同惠從道憲副申汝欽張希孟二都

聞游西湖六橋聯句

石橋箕踞坐

希孟

高興落西湖

汝欽

杯外漁舟近

太初

煙中野

寺孤

從道

半山留晚翠

汝欽

短篷起秋蒲

希孟

此日真良晤長

吟對白鳧

仲夏周約齋大叅顧慧巖少叅見訪南屏山中

薄晚雨霽掉舟西湖二首

聽雨來松閣

慧巖

塵清隔市寰

約齋

湖虛雲盡入

太白

天遠意

俱閑

約齋

潦倒復漁艇

慧巖

盤桓憐晚山

約齋

相看成一笑醉

和棹歌還

太白

日暮雲光靜

太白

舟虛水氣涼

約齋

聞鐘僧立渡

慧巖

返棹月

催觴

約齋

天亦憐疎野

太白

詩還任笑狂

約齋

山林與鐘鼎樂

處興俱長

太白

馬汝驥

十四日夜對月聯句

移席臨廣除

陳沂

待景窺遙漢雲色漸離披

汝驥

天光忽零

亂哉生倏幾望

文徵明

流火復秋半冰紉裁未齊

沂

奩鏡

懸如判莫吐露承華

汝驥

桂開星掩燦湧波金欲滿

文徵明

凌

風玉時散仰貪首倦回

沂

俯逼神應憚蚌水下銅盤

汝驥

蛟涎盪瑤觀川容窈窕接河影依稀斷空明析微毫

沂

縹緲挾飛翰鳴砧城闕寒

汝驥

吹笛關山旦感此良夜娛

文徵明惜彼西園歎

沂

王世貞

春夜順甫子與見過聯句

上苑春將盡虛堂夜未央

裳

過頻先緩帶歡至促飛觴

世舊侶仍蘭署新詩自柏梁

中

羣猜吾敢惜萬事爾俱

忘裳

近眼難禁醉看人且鬪狂

世

哀絃任楚袖短笛據

胡牀

中

傳菜青浮甲調酥玉縷糝博喧臬扼雉琴語鳳

酌凰

世

慘淡梁園月綢繆漢殿香

裳

且饒宮漏永騎馬

破蒼茫

世

鍾惺

夜歸聯句

落月下山徑草堂人未歸

林古度

砌花泣涼露籬犬吠殘

輝

惺

霜靜戶逾皎煙生墟更微

古度

入秋知幾日鄰杵數

聲移

惺

善啓

江行倡和詩

遙漢華月升

完

孤墅暝煙合桅檣影倒垂

瑾

柔櫓聲互

荅宵霽謾貪程

車

春寒猶戀衲鳴空鴈幾行

啓

繞樹烏

三匝郵馳遞去鈴

完

漁挈沽來榼停榜次羣艘

瑾

聽歌

吳楚雜啓

鄧氏

捲簾與夫子聯句

捲簾且放春風舞

太青

好共花飛入睡鄉

太妙

鴛鴦可留佳

色醉

太青

早霞如與借紅粧

太妙

方孟式

元日聯句

日月亘廣衢兩丸互相射

文

壯哉造化功割此陰陽席

剝蝕偶蔽虧摩盪匿圓魄

式

歎息風雨間士行幾能百

文結髮同茹荼兒女屢更易

式

碩德熾斯馨壺政美無

獲舍子我何之形影難暫隻豈以蟾蜍微長薄遙空碧
文願言誓死生白首歸丘貉

式

薛濤

落花聯句

韶豔應難挽芳華信易凋

薛首倡

綴堦紅尚媚

洙

委地白

仍嬌

薛

墜速如辭樹

洙

飛遲似戀條

薛

鮮鋪新蹙繡

洙

草疊巧裁綃

薛

麗質愁先殞

洙

香魂痛莫招

薛

燕銜歸

故壘

洙

蝶逐過危橋

薛

黏帙將晞露

洙

衝簾乍起颺

薛

遇晴猶有態

洙

經雨倍無聊

薛

蜂趁低兼絮

洙

魚吞細

雜藻

薛

輕盈珠履踐

洙

零亂翠鈿飄

薛

鳥過生愁觸

洙

兒嬉最怕搖

薛

褪英浮雨澗

洙

殘蕊漾風潮

薛

積逕教

童掃

洙

沿流倩水漂

薛

媚人沾錦瑟

洙

淪茗入詩瓢

薛

玉貌樓前墜

洙

冰容夢裏消

薛

芳園曾藉坐

洙

長路或

追鑣

薛

羅扇姬盛辨

洙

筠籬僕護苗

薛

折來隨手盡

洙

帶處近鬟焦

薛

泥浣猶悽慘

洙

鉗空更寂寥

薛

葉濃陰

自厚

洙

帶密子偏饒

薛

豈必分茵溷

洙

寧思上研硝

薛

香餘何吝竊

洙

珮解不須邀

薛

冶態宜官額

洙

癡情妬

舞腰

薛

粧臺休浪拂

洙

留伴可憐宵

薛

孫黃

朝雲集句詩七言律詩十首

家住錢塘東復東
偶來江外寄行踪
三湘愁鬢逢秋色
半壁殘燈照病容
豔骨已成蘭麝土
露華偏濕蕊珠宮

分明記得還家夢一路寒山萬木中

妾本錢塘江上住雙垂別淚越江邊
鶴歸華表添新塚燕蹴飛花落舞筵
野草怕霜霜怕日月光如水水如天
人間俯仰成今古祇是當時已惘然

三生石上舊精魂化作陽臺一段雲
詞客有靈應識我碧山如畫又逢君
花邊古木翔金雀竹裏香雲冷翠裙
莫向西湖歌此曲清明時節雨紛紛

東望望春春可憐江籬漠漠荇田田
遶籬野菜飛黃蝶

糝徑楊花鋪白氈雲近蓬萊長五色鶴歸華表已千年
夢回明月生南浦淚血染成紅杜鵑

浮雲漠漠草離離淚濕春衫鬢脚垂秋水為神玉為骨
芙蓉如面柳如眉鐘隨野艇回孤棹蟬曳殘聲過別枝
青塚路邊南鴈盡問君何事到天涯

身前身後事茫茫惱斷蘇州刺史腸猿帶玉環歸後洞
君騎白馬傍垂楊鶴羣長遶三珠樹花氣渾如百和香
慚愧情人遠相訪為郎憔悴却羞郎

孤月無情掛翠巒金爐香燼漏聲殘雲收雨散知何處
鬢亂釵橫特地寒去日漸多來日少別時容易見時難
明朝有約誰先到青鳥殷勤為探看

杏花疎雨立黃昏金屋無人見淚痕短鬢欲星愁有效
此身雖異性常存關門不鎖寒溪水環珮空歸月夜魂
倚柱尋思倍惆悵夜寒鉞玉倩誰溫

萬紫千紅總是春登臨一度一思君舞低楊柳樓心月
香濕梨花夢裏雲風景蒼蒼多少恨陰蟲切切不堪聞

思君今夜腸應斷書破羊欣白練裙

零落殘紅倍黯然一身憔悴對花眠
南園綠草飛蝴蝶落日空山怨杜鵑
天若有情天亦老月如無恨月長圓
此聲腸斷非今日風景依稀似去年

集句七言絕句詩十首

舞衫歌扇舊因緣萬事傷心在眼前
雲物不殊鄉國異天桃窗下背花眠

煙籠寒水月籠沙誰信流年鬢有華
燕子銜將春色去

夢中猶記咏梅花

青山隱隱水迢迢
客夢都隨歲月消
惟有別時今不忘
水邊楊柳赤闌橋

與君約畧說杭州
山外青山樓外樓
屈指別來經幾載
愁心一倍長離憂

旅館寒燈獨不眠
湘波冷浸一枝蓮
何時最是思君處
月落烏啼霜滿天

欲寫愁腸媿不才
依稀猶記妙高臺
問余別恨知多少

巴蜀雪消春水來

春愁冉冉帶餘醒
冰簟銀牀夢不成
知子遠來應有意
酷憐風月為多情

白袷王郎寄桃葉
金鞍駿馬呼小妾
翠睂蟬鬢生別離
南園綠草飛蝴蝶

野棠開盡飄香玉
細柳新蒲為誰綠
忽忽窮愁泥殺人
逢人更唱相思曲

瞿塘嘈嘈十二灘
遶船明月江水寒
欲隨郎船看明月

遊絲落絮春漫漫

陳言

放歌用鄭少白韻集唐

一百五日又欲來千樹萬樹梨花開眼看春色如流水
人生相命亦如此百年三萬六千朝倏忽須臾難久恃
君不見十八羽林郎君王手賜黃金鐙日晚朝迴擁賓
從片言出口生輝光一朝負譴辭丹闕窮巷悄然車馬
絕舞影歌聲散淥池遺壚但見狐狸跡當時一旦擅豪

華見此空為人所嗟莫向尊前惜沈醉參差辜負東園
花

過坤上人居集唐

野寺夕陽邊香牀坐入禪龍宮連棟宇世界接人天寶
葉交香雨鮮雲抱石蓮浮名竟何益心賞獨泠然

折楊柳集唐

裊裊城邊柳相思幾度攀不頻復不語長望獨長歎露
葉凝愁黛垂條拂髻鬟落花相與恨不斷若連環

月夜江樓聞笛

并引

陳子別家經年孤身千里撫月色之淒清感笛聲之悲惋悵然集語用寫羈懷

樓前澹月連江白樓底誰家吹玉笛笛聲憤怨哀中流
一夜愁殺江南客江南萬里不歸家空掩柴扉度歲華
雙淚別來猶未斷那堪又聽落梅花

題張應鶴郊居集唐

曲徑幽人宅藩籬插槿齊栽衣延野客分食養山雞古

木生雲際迴塘繞郭西寂寥人境外何事武陵溪

出塞曲贈林參軍集唐

入幕推英選論兵邁古風卷旗收敗馬鏘珮揖羣公紫
塞金河裏天山弱水東晚風吹畫角殘日讓琯弓廟略
占黃氣精神貫白虹丈夫期報主看取寶刀雄

攜歌者訪方氏不遇集唐

白日移歌袖空齋不見君巖聲中谷應人語隔溪聞斷
壁分垂影迴沙擁籀文無人知所去紅葉下紛紛

病中寓秦溪集唐

病多慵引架書看
雙袖龍鍾淚不乾
世態炎涼隨節序
人情反覆似波瀾
溪風送雨過秋寺
山鳥將雛傍藥闌
同學少年多不賤
獨將衰鬢客秦關

題天台圖寄懷林介夫集唐

錦瑟驚弦破夢頻
無因重見玉樓人
鳥啼雲竇仙巖靜
夢入天台石路新
芍藥比容花比貌
暖煙如粉草如茵
人間只道三山遠
猶隔千山與萬津

賦落葉送別集唐

落葉亂紛紛林間起送君還愁獨宿夜孤客最先聞

豔曲集句

鬢雲斜髻鳳釵橫偷折花枝傍水行更有惱人腸斷處
慢回嬌眼笑盈盈

金鳳釵頭逐步搖花如雙臉柳如腰最憐舞袖風前弱
拽住仙郎盡放嬌

金鋪閑掩繡簾低輕打銀箏墜燕泥憶昔花間初識面

倚屏無語撚雲篴

輕鬢叢梳閣畫眉翠翹浮動玉釵垂醉來敲損新花子
繞樹藏身打雀兒

觀麗人走馬集句

玉鞍初跨柳腰柔嬌眼如波入鬢流翠袂半將遮粉臆
掉鞭橫過小江樓

上金山寺集元句

神鼇屹立戴崔巍此地曾經幾劫灰寶藏虎歸風撼樹

碧潭龍去水生苔雲移塔影橫江口船載鐘聲出浪堆
獨倚闌干飛鳥外不知身世是蓬萊

送人入蜀

以下集明句

岌嶕高閣倚巖阿把酒相看奈別何寒色漸經巴峽路
雨聲微長楚江波滄洲別業驚蓬斷白髮流年倚劒過
他日相逢又何處眼中知己漸無多

春思集句

珠箔上銀鈎春花壓翠樓笙歌何處響鸚鵡對人愁

送陳三亦入越用韋莊韻集句

野花藤蔓亂毵毵送別旗亭酒半酣
十丈畫船如畫閣載將春色到江南

絕句集句

寶鳳搔頭玉步搖豔粧空似海棠嬌
春情一種無聊賴重到桃花第四橋

芭蕉士女集句

寂寂無言斂翠蛾花陰試步學凌波
玉顏空有嫦娥貌

不及芭蕉雨露多

舟行即景集句

紅簾小艇穩如車
寒水娟娟浸白沙
汀畔數鷗閑不起
見人飛去入蘆花

解縉

句容縣茅山觀東白道官能文章且長於詩無
以為壽集杜子美詩二十句贈

冰壺玉衡懸清秋
神仙中人不易得
往時文采動人主

自怪一日聲輝赫憶昨逍遙供奉班風雨不動安如山
詞源倒流三峽水時聞雜珮聲珊珊先生早賦歸去來
鯨魚跋浪滄溟開致身福地何蕭爽石田茅屋荒蒼苔
繡衣春當霄漢立雲近蓬萊常五色池上于今有鳳毛
秋水為神玉為骨百花潭水即滄浪星宮之君醉瓊漿
西望瑤池降王母南極老人應壽昌

李昌祺

月下彈琴記集句詩二十首

錄十一首

花壓闌干春晝長清歌一曲斷君腸雲飛雨散知何處
天上人間兩渺茫已托蕉桐傳密意不將清瑟理霓裳
江南舊事休重省桃葉桃根盡可傷

寒蛩唧唧樹蒼蒼城上高樓接大荒午夜漏聲催曉箭
六街晴色動秋光滿庭詩景飄紅葉此地悲風愁白楊
舞袖弓鞋渾忘却人間惟有鼠拖腸

應笑無成返薜蘿年年惆悵是春過時攀芳樹愁花盡
寒戀重衾覺夢多桂嶺瘴來雲似墨蜀江風澹水如羅

人生富貴須回首世事無幾奈爾何

家在寒塘獨掩扉高情雅澹世間稀却嫌脂粉浣顏色
惟恨緇塵染素衣歸目併隨回鴈盡離魂潛逐杜鵑飛
東風吹淚對花落惆悵朱顏不復歸

一寸相思一寸灰且將團扇斂徘徊月明古寺客初到
風靜寒塘花正開綠水青山雖是舊紅顏白髮遞相催
無情不似多情苦肯信愁腸日九迴

絃管遙聽一半悲羅衾滴盡淚臙脂烏啼花落人何在

節去蜂愁蝶未知
鵬上承塵纔一日
雪殘鳩鵲亦多時
綠雲斜簪金釵墜
獨立蒼茫自詠詩

愁心一倍長離憂
到處明知是暗投
雨盡香魂弔書客
夜深燈火上樊樓
山中老宿依然在
檻外長江空自流
明月易低人易散
寒鴉飛盡水悠悠

葉滿苔階杵滿城
登高望遠自傷情
瓊枝璧月春如昨
冰簟銀牀夢不成
往事悠悠增浩歎
清愁冉冉帶餘醒
豈知一夕秦樓客
腸斷綠荷風雨聲

處處斜陽草似苔
野塘晴暖獨徘徊
侍臣最有相如渴
欲賦慙非宋玉才
絃管變成山鳥弄
屨廊空信野花埋
情知到處身如寄
莫遣黃金謾作堆

落落疎星滿太清
寒江近戶漫流聲
長疑好事皆虛事
道是無情還有情
且盡醪醑消積恨
休將文字占時名
秋來見月多歸思
斜倚薰籠坐到明

門前不改舊山河
蓮渚愁紅蕩碧波
墜葉飄花難再復
浮雲流水竟如何
魚龍寂寞秋江冷
鴻鴈不來風雨多

窮巷悄然車馬絕
磬聲深夏出煙蘿

童軒

宮詞集唐句五首

錄四首

水流花謝兩無情
還到春時別恨生
明月自來還自往
夜深前殿按歌聲

紫煙衣上繡春雲
但保朱顏莫保恩
玉珮無聲畫屏冷
梨花滿地不開門

建章昨夜起春風
鳳輦時巡出九重
獨見綵雲飛不盡

碧霄何路得相逢

禁門深掩斷人聲
花落閑階宿雨晴
竟日倚闌空歎息
一場春夢不分明

無題集唐句十首

錄八首

芙蓉肌肉綠雲鬟
幾許幽情欲話難
聞說春來倍惆悵
莫教長袖倚闌干

萬轉千迴懶下牀
門前月色映橫塘
無情不似多情苦
一曲伊州淚數行

潯陽江上不通潮，却算游程歲月遙。
明月斷魂清靄靄，玉人何處教吹簫。

南陌愁為落葉分，陰蛩切切不堪聞。
晚來風起花如雪，忽到窗前疑是君。

愁心一倍長離憂，到處明知是暗投。
日暮酒醒人已遠，每因風景却生愁。

眞成薄命久尋思，野寺尋花春已遲。
何處相思不相見，九疑雲盡綠參差。

與君相見即相親脉脉無言幾度春
別恨轉深何處寫
晚來幽獨恐傷神

愁聽寒螿淚濕衣
嗟君此別意何如
相思莫道無來使
雙鯉迢迢一紙書

丘濬

集唐句送魏孔淵御史謫判潼川

鳴玉朝來散紫宸
鳳樓回首落花頻
鵠鴻得路爭先翥
鸚鵡才高却累身
直以疎慵招物議
不趨權勢正因循

只因宋玉閑脣吻自保曾參不殺人謾說簡書惟物役
猶將談笑出風塵眼前好惡那能定夢裏輸贏總未真
芳草有情皆礙馬江湖何處不通津長空淡淡飛鳥滅
客舍青青柳色新東澗水流西澗水錦江春似曲江春
長沙不久留才子莫厭傷多酒入脣

李東陽

擬古將進酒集古

春風扇微和金樽綠酒生微波晴雲高鳥各自得遣我

寧不蒼顏醜百年三萬六千日向來哀樂何其多將進
酒世間萬事無不有君子有所思少逢親舊友小人亦
不閑終日馳車走病須書卷作良醫欲讀嗟如箝在口
我亦有丹君信否破除萬事無過酒杯行到君莫停手
君不見玉川子六碗通仙靈衆賓皆醉我獨醒我歌一
曲君試聽醉翁之意不在酒轉見千秋萬古情君不聞
濁醪有妙理君獨未知其趣耳古人今人若流水眼中
之人吾老矣

送徐學士先生之南京集杜

迢遞山河擁兩京
儒門彌節下蓬瀛
文章宇宙千年事
江漢風流萬古情
才似茂陵非晚遇
帝于京兆最知名
欲知別後相思夢
幾度朝回一字行

鳴治集杜句見荅因再集杜一首

柴門空閉鎖松筠
錦里逢迎有主人
老去詩篇渾漫興
晚來幽獨恐傷神
自知白髮非春事
何用浮名絆此身
戲假霜威促山簡
病從深酌道吾真

夏日邀師名同飲
屢促始至殊有難

師召南樓別後頗以不得詩為憾別贈杜句一

首

百年多病獨登臺
懷抱何時得好開
縱飲欲謀良夜醉
殊方又喜故人來
舊來好事今能否
恐失佳期後命催
傳語風光共流轉
須成一醉習池回

東數五侍講集句

曲江院裏題名處
遙想風流第一人
四海交遊更聚散

十年京洛共風塵
未央樹色春中見
茂苑鶯聲雨後新
試問登高能賦客
思情誰是舊雷陳

自鳴治外屢有投贈而和章不至試語明仲即躍然而起此非相負者集唐句以啓之

漢宮題樹憶仙郎
共汝朝天會柏梁
謝朓每篇堪諷詠
揚雄托諫在文章
春浮玉藻寒波落
水滴銅龍晝漏長
自有神仙鳴鳳曲
不將清瑟理霓裳

明仲和章至謂不宜獨以險韻相困因索再和

一首

幾宿春山共陸郎
飛飛輕蓋指河梁
青雲舊路通仙掖
草色新年發建章
身外虛名將底用
愁來一日即為長
簷前春色應須惜
昨夜新裁白翠裳

周侍講伯常聞予止詩作長句見督開戒因集
唐句奉答之

北闕晴雲捧集闈
洞門高閣藹餘輝
郎君官貴施行馬
講殿談餘賜舊衣
載筆已齊周右史
何人敢和謝玄暉

楊花榆莢無才思已分將身著地飛

送羅裡仲紹興教授集句

裡仲明仲之弟餘杭教諭之子也

輦下惟因憶弟兄何時開閣引諸生雲連海氣琴書潤

日射螭頭劔珮明好是五賢嘉賞地

府學教授一訓導四故稱五賢早

知三禮甲科名餘杭溪上扁舟好猶是孤帆一日程

和鼎儀漫興見寄韻集句

攜手城南歷舊遊江南江北路悠悠青山只憶招提境
白雪多隨漢水流絳簡尚參黃紙按清言遠待玉人酬

春風無限瀟湘意宋玉無愁也自愁

春日荅舜谷集句

竹窗幽戶有佳期日暖風恬種藥時
自歎馬卿常帶病也知光祿最能詩
晨搖玉珮趨金殿晚拂爐煙上赤墀
聞道仙郎歌白雪萬家同唱郢中詞

亨父集句索藥奉和一首

多少分曹掌舊文不知何事久離羣
江淹彩筆空題恨荀令香爐可待熏
佳節屢從愁裏過寓書忽向病中聞

崆峒別有長生訣不惜千金借與君

清明後二日與鳴治約訪王仁輔于大德觀阻
雨寄鳴治集句

清明幾處有新煙獨向簷牀看雨眠忽有好詩生眼底
暫留歡賞寄春前壺觴須就陶彭澤直伴難呼孟浩然
何用別尋方外去庾家樓在斗牛邊

送涇源趙判官致仕後歸自京師集句

紅亭綠酒送君還五柳先生本在山已喜皇威清海岱

又勞行役出秦關川原繚繞浮雲外樓閣參差紫氣間
聖代逍遙更何事睡煙歌月老潺湲

師召邀同鳴治小飲集句奉謝

青雲器業我全疎終日王門強曳裾尺組掛身何用說
閑情入骨若為除高人屢解陳蕃榻多病能忘太史書
明日珂聲出城去登山臨水復何如

程敏政

乙酉歲瀛東別業雜興集古九首

獨在異鄉為異客十年踪跡走紅塵歸來池苑皆依舊
萬紫千紅總是春

不妨遊子芰荷衣散髮行歌自采薇洞裏幽花莫相笑
此心非是愛輕肥

與客攜壺上翠微暫時相賞莫相違白鷗自信無機事
見我猶穿曲岸飛

雞犬圖書共一船傷花隨柳過前川醉來睡著無人喚
只在蘆花淺水邊

春風疑不到天涯且任芳尊戀物華
謝却海棠飛盡絮
一年容易即黃花

空林獨與白雲期一任輕風拂面吹
細數落花因坐久
起來幽思有誰知

滿架薔薇一院香暫偷閑臥老僧房
日長睡起無情思
閑拂塵埃看畫牆

綠槐垂穗乳鳥飛白鳥銜魚上釣磯
便覺眼前生意滿
斜風細雨不須歸

行人本是農桑客自恨尋芳到已遲
君寵母恩俱未報
買牛賣劍定何時

題李太史世賢梅花圖集古三首

四山多風溪水急隴上何人夜吹笛
幾家春夢未知回
起徬寒梅訪消息

宛然姑射子瀟灑在風塵北人初未識
疑是弄珠人
西湖處士骨應槁洗雨梳風為誰好
呼兒覓紙一題詩
相對真成被花惱

陸深

舟中集杜句寄顧九和諭德二首

愛汝玉山草堂靜更有澄江消客愁竹葉于人既無分
微軀此外復何求穿花蛺蝶深深見長夏江村事事幽
安得仙人九節杖獨立縹緲之飛樓

爾家最近魁三象童稚情親四十年避地何時免愁苦
斷腸分手各風煙謝安不倦登臨費蘇晉長齋繡佛前
李杜齊名真忝竊封書寄與淚潺湲

李夢陽

望湖亭集古

與客攜壺上翠微
千家山郭靜朝暉
平沙渺渺來人遠
黃鳥時兼白鳥飛

翠華巖集古

曉行不上湖上山
別有天地非人間
安得攜家此中老
白雲常在水潺潺

香山集古

二月已破三月來山下碧桃春自開半醺半醉遊三日
並馬今朝未擬回

戴冠

送湛少防入京集杜句

之子方傑立汝翁少明光文章開竅奧達者得升堂

費家

集句謝知已過寺見訪

寂寞誰相問招尋獨有君
深林開一道遠鴈入寒雲
水

月通禪觀書籤映隙曛道同意暫遣茗椀對爐熏

寺中集句述懷辭客見過

荒山秋日午望古懷清芬與物本無患空歌迴易分閑
情兼嘿嘿落葉亂紛紛何處尋行跡惟應禮白雲

童琥

梅花集句

竹外松邊一兩梢迴臨村落傍谿橋堪將亂蕊添雲肆
苦被芳風透綺寮春事頓隨花片薄清吟半逐夢魂銷

却思前載孤山下踏雪相尋豈憚遙

殘雪疎籬半欲摧暗香消息已傳梅
三家五家村舍出一花兩花春意回
今日多情惟我到無人解惜為誰開
相逢剝作尊前恨何處笛聲江上來

偶泄春光此一枝故山幽夢憶疎籬
雪羞潔白常回避風送清香似可期
老氣却因高樹得閑愁只許落花知
醉中曾記吟詩處獨倚闌干待月時

一枝梅笑破冬嚴殘臘新春氣候參
更被誰家多事笛

不教幽夢到江南

江南地暖隴西寒一種春風有兩般最愛夜深霜重處
無人起向月中看

蘇祐

集唐句送表姪吳生鸛自塞下還郡

男兒本自重橫行客路常逢漢將營年少不應辭苦節
多慙名在魯諸生

太行關路戰塵收每見瓜時憶故丘三晉雲山皆北向

朔風吹葉鴈門秋

欲將書劒學從軍海上青山隔暮雲自惜汾陽紆道駕
北人南去雪紛紛

留君不住益淒其美酒香茶慰所思為報東州故人道
鄉音無改鬢毛衰

惟君與我最相親莫厭傷多酒入脣去鴈遠衝雲夢雪
汶陽歸客淚沾巾

流澌臘月下河陽却望并州是故鄉怨別自驚千里鴈

風流誰繼漢田郎

今日相逢落葉前故園歸去又新年
高歌取醉欲自慰繫馬高樓垂柳邊

邵平瓜地接吾廬為報家人數寄書
萬里寒光生積雪嗟君此別意何如

王世貞

懷李于鱗戲集李杜各一首

雙珠出海底飛在白雲端海月明可掇
不為世人觀長

鯨正崔巍為我揚波瀾一朝攀龍去獨宿天霜寒掩淚
出故房清晨起長歎酌鯉焚神魚問言誰與餐方希煉
金骨並垂雙飛鸞

右集李

長嘯宇宙間楊馬宜同時前輩復誰繼名家信有之博
采世上名得失寸心知李侯有佳句突過黃初詩伊昔
臨淄亭痛飲真吾師佳人絕代歌行酒雙逶迤掌中琥
珀鍾照耀珊瑚枝快意八九年浩蕩從此辭終悲洛陽
獄朱鳳日威蕤千載得鮑叔棄我忽若遺飲酣視八極

歲暮有餘悲

右集杜

劉遵

集李句

安石東山三十春
逢時吐氣思經綸
丈夫未可輕年少
我輩豈是蓬蒿人

文翔鳳

伊齋集句

一片孤城萬仞山
別有天地非人間
松間明月常如此

世上浮名好是閒

呂維祺

禱雨集詩

五月鳴蜩六月徂暑七月流火靡神不舉庶幾夙夜以
祈甘雨何多日也寧不顧我

其雨其雨我公田夜如何其三星在天田祖有神出
話不然適彼樂土迄用康年

劉芳節

閨情集句三十二首

錄四首

綠慘雙蛾不自持
曉庭和露折殘枝
長疑好事皆虛事
莫遣佳期竟後期
舊曲聽來猶有恨
柔腸結盡轉相思
遙知更有難忘處
射雉春風得意時

纖纖初月上鴉黃
不把雙眉鬪畫長
素柰忽開西子面
芙蓉不及美人妝
封題錦字添新恨
閑對幽花識舊香
欲說春心無所似
池邊顧步兩鴛鴦

劈破雲鬟金鳳凰
夢回餘念屬瀟湘
徒勞掩袂傷鉛粉

但惜流塵暗洞房
兩臉酒醺紅杏妬
一叢高髻綠雲光
粧成只是熏香坐
欲捲珠簾春恨長

舊事淒涼不可聽
含紅怨綠影亭亭
琴聲斷續愁兼恨
杯酒留連醉復醒
新睡起來思舊夢
夜香燒罷掩重扃
綠窗壁月移花影
銀燭秋光冷畫屏

至仁


集杜句述懷寄見心書記

宿鳥戀本枝
南鴈意在北
飄飄媿此身
一歲四行役
所

憂盜賊多不獨凍餒迫東下姑蘇臺殘年倚水國金銀
佛寺開信美無與適細人尚姑息賢者貴為德之子白
玉溫令我心悅懌晤語契深心洞徹有清識學貫天人
際溟漲與筆力神功接混茫風雷纏地脈靈芝冠衆芳
冰壺動搖碧紫燕自超詣尤異是龍脊流傳必絕倫許
與必詞伯喧爭懶著鞭飛騰知有策吾道屬艱難鸞鳳
有鍛翻天門鬱嵯峨乘槎斷消息干戈尚縱橫道路時
通塞顧惟魯鈍安養生終自惜桃源無處尋黎民糠粃

窄故國莽丘墟夢歸歸未得悵彼高飛禽何以有羽翼
匡山讀書處宿昔長荊棘陰房鬼火青戰地骸骨白骨
肉恩書重看雲淚橫臆西江萬里船終當挂帆席天寒
鷓鴣呼北風破南極梅花已飛翻節序昨夜隔感激在
知音書此豁平昔

御選明詩卷一百二十



總校官庶吉士臣侍 朝
 校對官檢討臣莫瞻業
 謄錄監生臣和其聲

財團法人
 佛陀教育基金會
 釋淨空敬贈

